



RisiAlbania

Partner for Growth

RisiAlbania synon të vërë tregun e punës në funksion të të rinjve dhe të rejave në Shqipëri, duke promovuar hapjen e vendeve të punës dhe ndërmjetësimin efikas për punë.

Për të bërë të mundur arritjen e qëllimit tonë, RisiAlbania bashkëpunon me një gamë të gjerë partnerësh nga sektori privat dhe publik si edhe nga shoqëria civile.

Çmimet "Risi Turistike" 2015 në Berat dhe Shkodër

Shumë shpejt turistët që do të vizitojnë Shqipërinë do të kenë katër produkte tërësisht të reja të cilat mund t'i shijojnë gjatë qëndrimit të tyre. Zhvillimi i katër ideve fituese të çmimit do të mbështetet më tej në sajë të konkursit të ri 'RisiTuristike' të organizuar në Berat dhe në Shkodër nga Ministria e Zhvillimit Ekonomik, Turizmit, Tregtisë dhe Sipërmarrjes dhe nga RisiAlbania. Vëzhgimi i zogjve, lundrimet në liqen, qendrat e interpretimit (qendrat për informimin e turistëve) dhe suveniret e markave të caktuara do të përbëjnë edhe aktivitetet e tjera shtesë për të përkthyer ofertën turistike të rajoneve.

Nën drejtimin e MZHESTS, konkursi "Risi Turistike" do të kthehet në një mekanizëm të rëndësishëm për stimulimin e mëtejshëm të zhvillimit të Industrisë Shqiptare të Turizmit.



Përmirësimi i performancës dhe i efektivitetit të zyrave të punës

Drejtorët e SHKP-së dhe të Zyrave të Punës u trajnuan në lidhje me "Zhvillimin e Menaxhimit dhe Rritjes së Efektivitetit":

Njëzet drejtorë të SHKP-së dhe të Zyrave të Punës u trajnuan nga *Value the Person* në një seminar dyditor mbi "Zhvillimin e Menaxhimit dhe Rritjes së Efektivitetit". Pjesëmarrësit u njohën me elementet kyçe dhe me parimet e udhëheqjes së suksesshme, si edhe me mënyrën e përdorimit të tyre në rolet përkatëse në SHKP me qëllim rritjen e performancës së tyre në maksimum. Për t'ju ardhur në ndihmë drejtorëve për krijimin e një "ekipi të suksesshëm", u përgatitën Plane Veprimi si edhe u dhanë këshilla në lidhje me "Çfarë do të ndodhë më pas?", me qëllim nxitjen e zhvillimit të vazhdueshëm të organizatës së SHKP-së.



Brenda një periudhe tremujore pas seminarit, për t'u siguruar që përmbajtja e tij është përthithur në mënyrë të plotë dhe, aty ku është e mundur, për t'u siguruar që edhe mësimet e nxjerra nga ky seminar po aplikohen me sukses në zyrat e ndryshme të punës. RisiAlbania dhe *Value the Person* do të kryejnë një ushtrim pasues dhe do të ofrojnë ndihmën e duhur në lidhje me planet e veprimit.

Aktivitetet e ardhshme:

Investimet e huaja për tre sektorë: Agro-përpunim, Turizëm dhe TIK

Shoqata e Investitorëve të Huaj në Shqipëri (SHIHSH) dhe RisiAlbania janë duke punuar aktivisht për të tërhequr IHD në Shqipëri. Gjatë verës është planifikuar edhe organizimi i një sërë takimesh dhe seminaresh për këtë çështje.

Debat publik mbi Pengesat për Punësimin e Denjë të të Rinjve në Shqipëri

Në muajin shtator, RisiAlbania do të organizojë një debat publik me përfaqësues të MMSR, të organizatave të të rinjve dhe të bizneseve për të diskutuar rezultatet dhe rekomandimet e studimit "Analiza e praktikave për punësimin e të rinjve dhe rregulloret & rekomandimet për mënyrën e trajtimit të tyre".

Akademia Microsoft për TI & ALMOOC:

Në muajin shtator, PROTİK do të organizojë një aktivitet prezantues të Akademisë Microsoft të TI për studentët dhe lektorët e Universitetit Politeknik në Tiranë si edhe një aktivitet tjetër prezantues të kësaj Akademie për mësuesit e AFP-së.

Deri në muajin shtator, ALMOOC (Kurse Masive të Hapura Online) do të publikojë online 6 kurse të reja të TI të cilat promovojnë teknologjinë e kohëve të fundit.

Rritja e aftësive të TI - kurse online MOOC & TI Akademi



Me qëllim rritjen e cilësisë dhe sasisë së aftësive profesionale të të diplomuarve për TI në Shqipëri dhe përmbushjen e kërkesës nga kompanitë vendore dhe potencialisht të huaja, Risi ka krijuar partneritet me *Real Visualz Foundation*, i cili do të krijojë mundësi për punë për profesionistët me shkallë të lartë kualifikimi në TI në Shqipëri. Risi po e mbështet platformën e tyre *Almooc.al* për të zhvilluar dhjetë kurse të reja për TI. Tanimë, *Almooc* ka zhvilluar katër kurse, një nga të cilët është ndjekur nga rreth 300 studentë. Trajnuesit e *Almooc* ofruan trajnim në njërin nga kurset e reja, *Ruby on Rails*, nëpërmjet një videokonference për nxënësit e 3 shkollave të AFP në Tiranë që janë të pajisura me një departament për TI, në shkollën e Kamzës, shkollat Gjergji Canco, dhe Hermann Gmeiner. Trajnimi u ndoq nga më shumë se 100 nxënës.

RisiAlbania ka bërë prezantimin e instrumenteve të Akademisë Microsoft për TI në bashkëpunim me Protik dhe Microsoft për rreth 90 studentë të Universitetit Politeknik në Tiranë. Burimet e kësaj Akademie do të përdoren nga studentët e UPT dhe nga nxënësit e shkollave të AFP për të përfutur aftësi profesionale si edhe nga lektorët dhe mësuesit për të pasuruar materialet e tyre mësimore.

Protik do të nënshkruajë marrëveshje me Ministrinë e Mirëqenies Sociale dhe Rinisë për ofrimin e Akademisë së TI për të gjitha shkollat e AFP-së të cilat kanë departamente për TI në mbarë vendin. PROTİK do të hartojë dhe zhvillojë kurse trajnimi për TI, trajnim për këshillimin e karrierës si edhe do të mundësojë internship-e midis të diplomuarve nga Universiteti dhe firmave të TI.



Komitetet sektoriale për aftësi: urë lidhëse midis arsimit dhe biznesit

Risi po punon ngushtë me Ministrinë e Mirëqenies Sociale dhe Rinisë për ngritjen e komiteteve sektoriale për aftësi, me qëllim kapërcimin e hendekut që ekziston midis ofruesve të AFP-së dhe nevojave të tregut të punës. Është përgatitur një model konceptual i cili do të pilotohet në të tre sektorët ku Risi është aktive, që do të thotë, në sektorët e Përpunimit ushqimor, Turizmit dhe TIK-ut. Ekspertët kanë rënë dakort për një model sipas të cilit komitetet sektoriale për aftësi do të drejtohen nga një task force e KSHK. Një vizitë studimore në Estoni do t'ju japë MMSR, AKAFPK, Ministrisë së Arsimit dhe Ministrisë së Ekonomisë një perceptim të rëndësishëm të mënyrës sesi këto komitete sektoriale funksionojnë në praktikë.

Mbështetur nga:
Supported by:



Schweizerische Eidgenossenschaft
Confédération suisse
Confederazione Svizzera
Confederaziun svizra

Embassy of Switzerland in Albania

Zbatuar nga:
Implemented by:



Partnerët Shqipëri
Qendra për Ndryshim
dhe Menaxhim Konflikti